

salútis ✠ in eódem Christo Jesu Dómino nostro in vitam ætérnam. **R.** Amen.

Pontifex: Pax tibi.

R. Et cum spírítu tuo.

Tum bombacio, aut re simili, abstergit pollicem suum, et locum inunctum. Deinde etiam sedens cum mitra, imponit capiti infantis linteolum candidum loco vestis albæ, dicens:

Accipe vestem cándidam, quam immaculátam pérferas ante tribúnal Dómini nostri Jesu Christi, ut hábeas vitam ætérnam.

R. Amen.

Postea pariter sedendo cum mitra, dat infanti, vel Patrino, candelam accensam, dicens:

Accipe lámpadem ardéntem, et irreprehénsibilis custódi Baptismum tuum; serva Dei mandáta, ut cum Dóminus vénerit ad núptias, possis occurrere ei una cum ómnibus Sanctis in aula cœlésti, hábeásque vitam ætérnam, et vivas in sœcula sœculórum. **R.** Amen.

Postremo dicit etiam sedendo cum mitra:

N. Vade in pace, et Dóminus sit tecum. **R.** Amen.

Ac demum, sedens adhuc cum mitra, moneat susceptores de spiritali cognatione, quam contraxerunt cum baptizato, baptizatique patre et matre; et de obligatione, quam habent, ubi opus fuerit, opportune docendi baptizatum tamquam filium spiritualem, fidei rudimenta: unde ad hujusmodi munus, qui ea ignorant, non admittantur.

Si vero fuerint plures baptizandi, masculi, seu feminæ, in catechismo masculi statuatur ad dexteram, feminæ vero ad sinistram; omnia pariter dicantur ut supra, in proprio genere, et in numero plurali. Quod si fuerint masculi et feminæ simul baptizandi, omnia dicantur in numero plurali, sed in genere masculino, etiamsi sint plures feminæ, quam masculi.

Quædam vero non in numero plurali pro omnibus, sed in numero singulari pro singulis dici oportet; in genere tamen masculino pro masculis et in genere femineo pro feminis, ut notatur in Rituali Romano in Rubrica post Baptismum parvulorum; sed nos pro majori commoditate adnotavimus in propriis locis in Rubricis parenthesi notatis; ita ut, quando dicitur in tali Rubrica: *Singulariter singulis*, intellige quod illa verba, vel actiones usque ad aliam Rubricam dici, vel fieri debent singulariter singulis, et primum masculis, deinde feminis, mutato solum genere, ut dictum est supra. Quando vero in simili Rubrica dicitur: *In plurali pro omnibus*, intellige, quod illa verba usque ad aliam Rubricam, dici debent semel, sed pro omnibus in plurali, mutato solum genere, si omnes sint feminæ.

Pontifex demum, completo baptisate, sedens adhuc cum mitra, lavat manus more solito; et inde eodem comitatu, eodemque modo, quo baptizaturus accessit, eo, unde venerat, revertitur.



PONTIFICALIS RITUS PRO ADULTORUM BAPTISMO.



Pontifex, adultos sacri Baptismatis unda mergere seu perfundere volens, prius diligenter inquirat, An adulti baptizandi in christiana fide, ac sanctis moribus sint instructi et an scientes, et volentes ad Baptismum accedant.

Ne quis, jam baptizatus, imperitia, vel errore, aut ad quæstum, vel ob aliam causam, fraude dolove, iterum baptizari velit.

In Sabbato Sancto Paschatis vel Pentecostes, hujusmodi Baptismum solemniter ministrari curet; nisi catechumeni, rite instructi, Baptismum suum in longum tempus differri ægre ferant.

Cum igitur hujusmodi Baptismus ministrandus erit, disponantur suis locis sequentia:

In Secretario: Altare cum cruce, et candelabris cum cereis: baculus pastoralis a latere Epistolæ.

Super altare autem mitra simplex, pectorale, pluviale, et stola coloris violacei, crux pectoralis, cingulus albi coloris, alba, amictus, et si Pontifex erit regularis, superpelliceum: omnia velo serico violaceo cooperta.

Item faldistorium cum veste, et pulvinis violaceis super tapete, ante idem altare.

Insuper sedes Pontificalis cum pulvino violaceo, et tapete, si Pontifex erit in propria ecclesia.

In abaco ejusdem Secretarii. Bacile, et buccale cum aqua. Mappæ pro gremio, et manibus. Candelabra duo cum cereis. Clava Cardinalitia, si Pontifex erit S. R. E. Cardinalis; liber hic, et bugia.

In presbyterio, et choro: Altare cum pallio violaceo, cruce et candelabris cum cereis. Faldistorium cum veste, et pulvinis violaceis super tapete. Sedes Pontificalis tecta violaceis, si Pontifex, ut supra, erit in propria Ecclesia.

Ad valvas ecclesiæ, et ad ostium cancellorum Baptisterii. Faldistorium coopertum veste violacea, super strato.

In Baptisterio. Fons late patens pro immersione Catechumeni. Faldistorium cum veste alba et tria scabella circa illud super tapete, intra cancellos ante ostium Fontis.

In abaco ejusdem Baptisterii. Pelvicula cum sale. Vascula duo cum bombacio madido sanctis oleis, alterum Chrismatis, alterum Catechumenorum. Bombacium siccum pro abstersione locorum inunctorum. Paramenta albi coloris, videlicet, mitra auriphrygiata, pluviale, et stola, cooperta velo serico albo. Chrismalia, seu candidi linteoli, et vestes candidæ pro numero Neophytorum. Item et cerei eisdem tradendi. Vasa cum mica panis ad lavandas manus. Mappæ ad eas tergendas, et pro gremio.

Pontifex igitur, paratis omnibus de mane, in secretario lavat prius manus, deinde super rochetum, sive superpelliceum, si sit regularis, accipit amictum, albam, cingulum, crucem pectoralem, stolam, ac pluviale violacei coloris, pectorale et mitram.

Postmodum, cum toto Clero suæ Ecclesiæ, ordine processionali accedit ante altare majus, vel ejusdem Secretarii, ubi genuflexus super faldistorio, deposita mitra, genuflectentibus pariter omnibus, pias mente ad Deum preces effundat, ut tantum Sacramentum digne valeat ministrare.

Deinde ad implorandum divinum auxilium, surgens, se signat, et dicit:

Deus in adiutorium meum intende.

R. Dómine ad adiuvandum me festína.

Glória Patri, et Fílio, et Spirítui sancto.

R. Sicut erat in principio, et nunc, et semper, et in sæcula sæculórum. Amen.

Postea stans ibidem, incipiat, prosequentibus Clericis, Antiphonam:

Effúndam super vos aquam mundam, et mundabimini ab ómnibus inquinaméntis vestris, dicit Dóminus.

Psalmus 8.

Dómine Dóminus noster: * quam admirábile est nomen tuum in univérſa terra!

Incepto Psalmo, Pontifex, accepta mitra, sedebit vel in sede, si fuerit in propria Ecclesia, vel in faldistorio in plano Epistolæ.

Quóniam eleváta est magnificéntia tua, * super cœlos.

Ex ore infántium et lacténtium perfecísti laudem propter inimicos tuos, * ut déstruas inimicum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor

Ps. 28. Afférte Dómino. pag. 218.

Psalmus 41.

Quemádmódu desíderat cervus ad fontes aquárum: * ita desíderat ánima mea ad te Deus.

Sitívit ánima mea ad Deum fortem vivum: * quando véniam, et apparébo ante fáciem Dei?

Fuérunt mihi lácrimæ meæ panes die ac nocte: * dum dicitur mihi quotidie: Ubi est Deus tuus?

Hæc recordátus sum, et effúdi in me ánimam meam: * quóniam transíbo in locum tabernáculi admirábilis, usque ad domum Dei.

es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum; * et constituísti eum super ópera mánuum tuárum.

Omnia subjecísti sub pédibus ejus, * oves et boves univérſas: insuper et pécora campi.

Vólucres cœli, et pisces maris; * qui perámbulant sémitas maris.

Dómine Dóminus noster, * quam admirábile est nomen tuum in univérſa terra!

Glória Patri. Sicut erat, etc.

In voce exsultatiónis, et confessiónis: * sonus epulántis.

Quare tristis es ánima mea? * et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Ad meípsum ánima mea conturbáta est: * proptérea memor ero tui de terra Jordánis, et Hermóniim a monte módico.

Abýssus abýssum invocát, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam: * et nocte cánticum ejus.

Apud me orátio Deo vitæ meæ, * dicam Deo: Suscéptor meus es.

Quare oblítus es mei? * et quare contristátus incédo, dum affligit me inimicus?

Dum confringúntur ossa mea,

Et repetitur Antiphona:

Effúndam super vos aquam mundam, et mundabimini ab ómnibus inquinaméntis vestris, dicit Dóminus.

Completa Antiphona, Pontifex deposita mitra, surgit et stans versus altare dicit:

Kýrie eléison. **C**hriste eléison. **K**ýrie eléison.

Pater noster. **secreto usque ad**

V. Et ne nos indúcas in tentatiónem.

R. Sed líbera nos a malo.

V. Dómine exaúdi oratiónem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Omnípotens sempitérne Deus, qui dedísti fámulis tuis in confessiónem veræ fidei, æternæ Trinitátis glóriam agnóscere; et in poténtia majestátis adoráre unitátem: quæsumus; ut ejúsdem fidei firmitáte, ab ómnibus semper muniámur advérsis.

Oratio.

Adésto supplicatiónibus nostris, omnípotens Deus: et quod humilitátis nostræ geréndum est ministério, tuæ virtútis impleátur efféctu.

Oratio.

Da, quæsumus Dómine, Elécto nostro, *(In plurali pro pluribus, et in genere masculino, nisi omnes sint feminae.)* ut sanctis edóctus mystériis, et renovétur fonte Baptísmatis, et inter Ecclesiæ tuæ membra numerétur. Per Christum Dóminum nostrum. **R.** Amen.

Deinde Pontifex, accepta mitra et baculo pastorali, procedit cum toto suo Clero, ut supra, ad fores ecclesiæ: ibique in limine, deposito baculo, et retenta mitra, sedet in faldistorio. Catechizandus vero extra limen genuflectit, e regione Pontificis. Et si sint plures mares et feminae; illi ad dexteram Pontificis, hæc vero ad sinistram statuuntur.

Tum Pontifex, sedens cum mitra, interrogat Catechumenum: *(Singulariter singulis, si plures, usque ad Oratíonem.)*

* exprobravérunt mihi qui tribulant me inimici mei.

Dum dicunt mihi per singulos dies: Ubi est Deus tuus? * quare tristis es ánima mea, et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Glória Patri.

Sicut erat, etc.

Quo nómine vocáris?

Catechumenus respondet: N.

Pontifex: N. Quid petis ab Ecclésia Dei?

Respondet Catech. Fidem.

Pontifex: Fides, quid tibi præstat?

Resp. Catech. Vitam ætérnam.

Pontifex: Si vis habere vitam ætérnam, serva mandáta. Díliger Dóminum Deum tuum ex toto corde tuo, et ex tota ánima tua, et ex tota mente tua, et próximum tuum, sicut teipsum. In his duóbus mandátis tota Lex pendet, et Prophétæ. Fides autem est, ut unum Deum in Trinitáte, et Trinitátem in unitáte venereris, neque confundéndo persónas, neque substántiam separándo. Alia est enim persóna Patris, ália Fílii, ália Spíritus sancti; sed horum trium una est substántia, et nónnisi una Divínitas.

Et rursus interrogat: N. Abrenúntias sátanæ?

Respondet Catech. Abrenúntio.

Interrogat: Et ómnibus opéribus ejus?

Respondet: Abrenúntio.

Interrogat: Et ómnibus pompis ejus?

Respondet: Abrenúntio.

Deinde Pontifex interrogat de Symbolo Fidei, dicens:

Credis in Deum, Patrem omnipoténtem, Creatórem cœli et terræ?

Respondet: Credo.

Interrogat: Credis in Jesum Christum, Fílium ejus únicum, Dóminum nostrum, natum, et passum?

Respondet: Credo.

Interrogat: Credis et in Spíritum sanctum, sanctam Ecclésiam Cathólicam, Sanctórum communióem, remissionem peccatórum, carnis resurrectionem, et vitam ætérnam?

Respondet: Credo.

Tunc Pontifex surgit cum mitra, et exsufflat ter in faciem ejus, semel dicens:

Exi ab eo spíritus immúnde, et da locum Spíritui sancto Paráclito.

Hic in modum crucis halet in faciem ipsius, et dicat:

N. Accipe Spíritum bonum per istam insufflatiónem, et Dei benedictiónem ✠. Pax tibi.

R. Et cum spíritu tuo.

Deinde Pontifex sedet cum mitra, et facit Crucem cum pollice in fronte, et in pectore Catechumeni, dicens:

N. Accipe signum Crucis tam in fronte ✠, quam in corde ✠: sume fidem cœlestium præceptórum. Talis esto móribus, ut templum Dei jam esse possis: ingressúsque Ecclésiam Dei, evasisse te láqueos mortis, lætus agnósce.

Et si Catechumenus venit de gentilitatis errore, seu de ethnicis et idololatris, dicat:

Horrésce idóla, réspue simulácula.

Si ex Hebræis, dicat:

Horrésce Judáicam perfídiam, réspue Hebráicam superstitionem.

Si ex Mahumetanis, dicat:

Horrésce Mahuméticam perfídiam, réspue pravam sectam infidelitátis.

Si ex Hæreticis, et in ejus Baptismo debita forma servata non sit, dicat:

Horrésce hæreticam pravitátem, réspue nefárias sectas impiórum N.

Exprimens proprio nomine sectam de qua venit. Inde prosequatur:

Cole Deum Patrem omnipoténtem, et Jesum Christum, Fílium ejus únicum, Dóminum nostrum, qui ventúrus est judicáre vivos, et mórtuos, et sæculum per ignem. R. Amen.

Si Catechumeni fuerint plures, Pontifex singulariter singulos interrogabit, repetendo: Quo nómine vocáris? et, ut supra, cetera perficiendo.

Deinde surgit, et deposita mitra, dicit: *(In plurali pro pluribus.)*

Orémus.

Te deprecor, Dómine sancte, Pater omnipotens, ætérne Deus: ut huic fámulo tuo N., qui in hujus sæculi nocte vagátur incértus, ac dúbius, viam veritátis, et agnitiónis tuæ júbeas demonstrári: quátenus, reserátis óculis cordis sui, te unum Deum Patrem in Fílio, et Fílium in Patre cum Spíritu sancto recognóscat, atque hujus confessiόνis fructum, et hic, et in futúro sæculo percípere mereátur. Per Christum Dóminum nostrum. R. Amen.

Mox sedens cum mitra signat signo Crucis cum pollice in fronte dicens: *(Singulariter singulis.)*

Signo tibi frontem ✠, ut suscipias Crucem Dómini.

In auribus: Signo tibi aures ✠, ut aúdias divína præcépta.

In oculis: Signo tibi óculos ✠, ut vídeas claritátem Dei.

In naribus: Signo tibi nares ✠, ut odórem suavitátis Christi séntias.

In ore: Signo tibi os ✠, ut loquáris verba vitæ.

In pectore: Signo tibi pectus ✠, ut credas in Deum.

In scapulis: Signo tibi scáputas ✠, ut suscipias jugum servitútis ejus.

In toto corpore, illud non tangens, manu producit signum Crucis, et dicit:

Signo te totum in nómine Patris ✠, et Fílii ✠, et Spíritus ✠ sancti, ut hábeas vitam ætérnam, et vivas in sæcula sæculórum. R. Amen.

Deinde, deposita mitra, surgit, et dicat: *(In plurali pro pluribus.)*

Orémus.

Oratio.

Preces nostras, quæsumus Dómine, cleméner exaúdi, et hunc Eléctum tuum **N.** Crucis Domínicæ, cujus impressióne eum signámus, virtúte custódi: ut magnitúdinis glóriæ tuæ rudiménta servans, per custódiám mandatórum tuórum ad regeneratiónis glóriam pervenire mereátur. Per Christum Dóminum nostrum.

R. Amen.

Orémus.

Oratio.

Deus, qui humáni géneris ita es cónditor, ut sis étiam reformátor, propitiáre pópulis adoptívus, et novo testaméto sóbolem novæ prolis adscribe: ut filii promissiónis, quod non potuerunt ásequi per natúram, gaúdeant suscepisse per grátiam. Per Christum Dóminum nostrum. R. Amen.

(Singulis.) Tunc imponit manum super caput Electi, et stans sine mitra dicit: (In plurali pro pluribus.)

Orémus.

Omnípotens, sempitérne Deus, Pater Dómini nostri Jesu Christi, respicere dignéris super hunc fámulum tuum **N.**, quem ad rudiménta fidei vocáre dignátus es: omnem cæcitatém cordis ab eo expélle: dirúmpe omnes láqueos sátanæ, quibus fúerat colligátus; áperi ei, Dómine, jánuam pietátis tuæ, ut signo sapiéntiæ tuæ imbutus, ómnium cupiditátum foetóribus cáreat, et ad suávem odórem præceptórum tuórum lætus tibi in Ecclesiá tua desérviat, et proficiat de die in diem, ut idóneus efficiátur accédere ad grátiam Baptísmi tui, percépta medicína. Per eúmdem Christum Dóminum nostrum. R. Amen.

Deinde stans cum mitra, benedicit sal. (Sine mutatione.)

BENEDICTIO SALIS DANDI CATECHUMENO.

Exorcízo te, creatúra salis, in nómine Dei Patris omnipoténtis ✠, et in caritaté Dómini nostri Jesu Christi ✠, et in virtúte Spíritus sancti ✠. Exorcízo te per Deum vivum ✠, per Deum verum ✠, per Deum sanctum ✠, per Deum ✠, qui te ad tutelám humáni géneris procreávit, et pópulo veniénti ad credulitatém per servos suos consecrári præcépit, ut in nómine sanctæ Trinitátis efficiáris salutáre sacraméntum ad effugándum inimícum.

Hic deposita mitra, et adhuc stans, prosequitur, dicens:

Proínde rogámus te, Dómine Deus noster, ut hanc creatúram salis sanctificádo sanctífices ✠, et benedicédo benedícas ✠, ut fiat ómnibus accipiéntibus perfécta medicína, pérmanens in viscéribus eórum, in nómine ejúsdem Dómini nostri Jesu Christi, qui ventúrus est judicáre vivos et mórtuos, et sáeculum per ignem.

R. Amen.

Quod si Catechumenus fuerit Gentilis, sive ex Idololatrís venerit ad fidem, benedicto sale, antequam ejus medicinam gustet, Pontifex adhuc stans sine mitra, addat sequentem Orationem, quæ tamen pro venientibus ex Hebræis vel aliis, ut supra, non dicitur: *(In plurali pro pluribus.)*

Orémus.

Dómine sancte, Pater omnípotens, ætérne Deus, qui es, qui eras, et qui pérmanes usque in finem, cujus origo nescítur, nec finis comprehénderi potest: te súpplices invocámus super hunc fámulum tuum **N.** quem liberásti de erróre gentílium, et conversatióne turpíssima; dignáre exaudire eum, qui tibi cervíces suas humiliat ad lavácri fontem, ut renátus ex aqua, et Spíritu sancto, exspoliátus vétérem hóminem, induat novum, qui secúndum te creatus est; accípiat vestem incorrúptam et immaculatam, tibi que Deo nostro servíre mereátur. Per Christum Dóminum nostrum.

R. Amen.

Tunc Pontifex sedet cum mitra, et pollice ac indice accipit de ipso sale, et immittit in os Catechumeni, dicens: (Singulariter singulis.)

N. Accipe sal sapiéntiæ: propitiatio sit tibi in vitam ætérnam.

R. Amen.

Pax tibi. R. Et cum spíritu tuo.

Deinde sine mitra surgit, et stans dicit: (In plurali pro pluribus.)

Orémus.

Deus patrum nostrórum, Deus univérsæ cónditor veritátis, te súpplices exorámus, ut hunc fámulum tuum **N.** respicere dignéris propítius, et hoc primum pábulum salis gustántem, non diútius esuríre permíttas, quo minus cibo expleátur cœlesti, quátenus sit semper spíritu fervens, spe gaudens, tuo semper nómini sérvians. Perduc eum, Dómine quæsumus, ad novæ regeneratiónis lavácrum, ut cum fidélibus tuis promissiónum tuárum ætérna præmia cónsequi mereátur. Per Christum Dóminum nostrum. R. Amen.

Si inter Catechumenos adsint feminæ, recedant ipsæ in partem, quousque tertio dicatur masculis: Ora, Elécte etc. et hi signati fuerint in fronte.

Deinde Pontifex sedet cum mitra, et dicat Catechumeno stanti: (In plurali pro pluribus masculis tantum.)

Ora, Elécte, flecte génua, et dic: Pater noster.

Et Electus genu flexo orat, et dicit: Pater noster, etc.

Et cum dixerit usque ad Sed libera nos a malo, inclusive,

Pontifex dicit: Leva, comple oratióne tuam, et dic: Amen.

Electus, surgens, respondet: Amen.

Pontifex dicit Patrino: Signa eum.

Deinde Electo: Accéde.

Et Patrino pollice signat eum in fronte, dicens:

In nómine Patris, et Fílii, et Spíritus sancti.

Et Pontifex pariter facit crucem in fronte ejus, dicens:

In nómine Patris, et Fílii, et Spíritus sancti.

(Singularis.) Postea Pontifex sine mitra surgit, et stans imponit manum super Electum, et dicit: *(In plurali pro pluribus masculis.)*

Orémus.

Oratio.

Deus Abraham, Deus Isaac, Deus Jacob, Deus, qui Móysi fámulo tuo in monte Sínai apparuísti, et filios Israëli de terra Ægýpti eduxísti, députans eis Angelum pietátis tuæ, qui custodíret eos die ac nocte: te quæsumus, Dómine; ut mittere dignéris sanctum Angelum tuum de cœlis, qui simíliter custodíat et hunc fámulum tuum **N.**, et perdúcat eum ad grátiam Baptísmi tui. Per Christum Dóminum nostrum. **R.** Amen.

Deinde accipit mitram, et adhuc stans dicit: *(In plurali pro pluribus.)*

Exorcismus.

Ergo, maledícite diabóle, recognósce senténtiam tuam, et da honórem Deo vivo et vero, da honórem Jesu Christo Fílio ejus, et Spíritui sancto, et recéde ab hoc fámulo Dei **N.** quia istum sibi Deus, et Dóminus noster Jesus Christus ad suam sanctam grátiam, fontémque Baptísmatis vocáre dignátus est: et hoc signum sanctæ Crucis ✠,

(Signat singulos.)

Quod nos fronti ejus damus, tu maledícite diabóle, numquam aúdeas violáre. Per eúndem Christum Dóminum nostrum, qui ventúrus est judicáre vivos et mórtuos, et sæculum per ignem.

R. Amen.

Pontifex sedet, retenta mitra, et dicit secundo Electo: *(In plurali pro pluribus masculis.)*

Ora, Eléccte, flecte génu, et dic: Pater noster.

Et Electus genu flexo orat, et dicit: Pater noster.

Et cum dixerit usque ad Sed libera nos a malo, inclusive,

Pontifex dicit: **Leva**, comple orationem tuam, et dic: Amen.

Electus, surgens, respondet: Amen.

Pontifex dicit Patrino: **Signa eum.**

Deinde Electo: **Accéde.**

Et Patrinus pollice signat eum in fronte, dicens:

In nómine Patris, et Fílii, et Spíritus sancti.

Et Pontifex pariter faciet crucem in fronte ejus, dicens:

In nómine Patris, et Fílii, et Spíritus sancti.

Postea Pontifex sine mitra surgit, et stans imponit manum super Electum, et dicit: *(In plurali pro pluribus.)*

Orémus.

Deus, immortále præsidium ómnium postulántium, liberátio súpplicum, pax rogántium, vita credéntium, resurréctio mortuórum: te ínvocho super hunc fámulum tuum **N.**, qui Baptísmi tui donum petens, ætérnam cónsequi grátiam spirituáli regeneratióne

desíderat: áccipe eum Dómine, et quia dignátus es dicere: Pétite, et accipiétis; quærite, et inveniétis; pulsáte, et aperiétur vobis: peténti præmium pórrige, et jánuam pande pulsánti, ut ætérnam cœléstis lavácri benedictiónem consecútus, promíssa tui múnemis regna percípiat. Qui cum Patre, et Spíritui sancto vivis et regnas Deus, in sæcula sæculórum. **R.** Amen.

Inde accipit mitram, et adhuc stans, dicit: *(In plurali pro pluribus.)*

Exorcismus.

Audi, maledícite sátana, adjurátus per nomen ætérni Dei, et Salvatóris nostri Jesu Christi Fílio ejus, cum tua victus invidia tremens, geménsque discéde: nihil tibi sit commúne cum servo Dei **N.**, jam cœléstia cogitánte, renuntiáturo tibi, et sæculo tuo et beátæ immortalitati victuro. Da igitur honórem adveniénti Spíritui sancto, qui ex summa cœli arce descéndens, proturbátis fraudibus tuis, divíno fonte purgátum pectus, sanctificátum Deo templum, et habitáculum perficiat: ut ab ómnibus pénitus nóxiis præteritórum críminum liberátus servus Dei, grátias perénnes Deo réferat semper, et benedícat nomen sanctum ejus in sæcula sæculórum.

R. Amen.

Pontifex sedet, retenta mitra, et tertio dicit Electo: *(In plurali pro pluribus masculis.)*

Ora, Eléccte, flecte génu, et dic: Pater noster.

Et Electus genu flexo orat, et dicit: Pater noster.

Et cum dixerit usque ad Sed libera nos a malo, inclusive,

Pontifex dicit: **Leva**, comple orationem tuam et dic: Amen.

Electus, surgens, respondet: Amen.

Pontifex dicit Patrino: **Signa eum.**

Deinde Electo: **Accéde.**

Et Patrinus pollice signat eum in fronte, dicens:

In nómine Patris, et Fílii, et Spíritus sancti.

Et Pontifex pariter faciet signum Crucis in fronte ejus, dicens: *(In plurali pro pluribus.)*

In nómine Patris, et Fílii, et Spíritus sancti.

Deinde surgens, retenta mitra, imponit manum super Electum dicens: *(In plurali pro pluribus.)*

Exorcismus.

Exorcizo te, immúnde spíritus, in nómine Patris ✠, et Fílii ✠, et Spíritus ✠ sancti, ut éxeas, et recédas ab hoc fámulo Dei **N.** Ipse enim tibi ímperat, maledícite damnáte, qui pédibus super mare ambulávit, et Petro mergénti dexteram porréxit.

Exorcismus.

Ergo, maledícite diabóle, recognósce senténtiam tuam, et da honórem Deo vivo et vero, da honórem Jesu Christo Fílio ejus,